

河  
洛  
真  
數

陳邵二先生河洛真數易卦釋義上經卷之上

賴川後學默庵李學詩校正

乾元亨利貞。象曰：天行健，君子以自強不息。

在天爲春夏秋冬在人爲仁義禮智有至大至剛之德其心高其性躁不怯不疑不回不撓語話無情多虛少實剛明勇決多勤少怠獨立自奮有進無退此卦以六龍爲象生于二月以後八月以前者得時也爲福深爲禍淺卦氣屬四月納甲是甲子甲寅甲辰壬午壬申壬戌借用甲午甲申甲戌壬子壬寅壬辰如生于四月及納甲本命者多

富貴雖失爻位亦爲福善之人也乾金秋正旺如  
生月不及時又不在納甲者主貧賤雖得爻位亦  
是奔波勞役矯詐之人也

邵曰六甲生人最喜見乾剛健不息勞役多端事  
無巨細悉關念慮生意固多終未聚散琴瑟不調  
鴈行失序婦人稟性聰明有丈夫之志治家事事  
留心不能安裕

初九潛龍勿用 象曰潛龍勿用陽在下也

初陽在下爲龍象尺蠖之屈以求伸也龍蛇之蟄  
以存身也此潛之謂也特立獨行不隨羣俗而轉

移。韜光晦迹。不求名譽之聞達。行成于內。不以世  
之窮達而休戚。道足于已。不以時之成敗而喜愠  
也。窮達以道。而不以勢。進退在我。而不在物。金石  
之心。松栢之操。孰能搖撼之哉。若人支干歸元  
兼卦。叶吉機深。學廣心懶。志疑好靜。无求名利。不  
耀。元數兼卦。不叶。或處于林泉之下。或居于江  
海之濱。刑尅太重。婢僕少力。

歲運逢之。在仕多退。惧利靜不利。動動則生疾。謀  
事有咎。勿使下人用事。常俗利在幽靜。其潜字。體  
字爲兆。甚多。或是州縣市鎮寺觀地名牌額及人

之姓名也

邵曰龍靈變不測者。今在下而未得其地。如卽保  
養。隱伏而已。得之者不可躁動。樂則行。憂則止。守  
道于已。不求于人。晦滯多而成就少。縱有軒豁不  
免摧挫。所以未能遂其高飛之志。守拙待亨。不致  
終為無用。

凡用九之爻。初年遇陽不變。以本爻起筭。遇陰年  
則變。以變卦爻起筭。皆自下而上。甲丙戊庚壬為  
陽。乙丁己辛癸為陰。後倣此。

九二見龍在田。利見大人。象曰。見龍在田。德施普。

也。

有聖人之德居大臣中正之位所言無不實所行  
無不謹善蓋一世而風俗轉移一毫虛偽之心必  
不敢萌忠實而已一毫自矜之念不敢作純一而  
已大人之德如此利見大人君則聽從謂以其有  
是德而居是位也 數卦叶吉貴而有科名乃龍  
象也富而有產業乃田象也 數卦不叶有中直  
剛正之誠有潤澤萬物之德

歲運逢之在仕逢明主立要津在農進田園增金  
帛在僧道則住持俗人必有大貴提挈之力矣其  
可各文

龍田德普四字或是官戕姓名之兆也

邵曰二應于五猶龍見于田也見于田沛澤萬物其德已著而出潛離隱得之者顯達成名發福謹言慎行脫災悔見貴人有委任之勞婦人自賤至貴由偏居正也

九三君子終日乾乾夕惕若厲无咎 象曰終日乾乾反復道也

下乾盡而上乾來故終日乾乾內積忠信以為進德之基動靜合于義理則言不詭隨常存誠敬无作輟之患夫人欲易長天理易饒常加于兢惕則

天理之微者著人心之危者安兢兢于旦夕祗愼之時凜凜于氣夜存亡之際能自立于无過若乍勤乍急无敬无畏之心而欲寡過者難矣 元數

蕪卦叶吉多是剛正之人有名有利勤于學古力于行道見識之廣憂慮之深每逢難事而變為易事也 數卦不叶乍勤乍急无敬无畏之心多逢禍難謀為躁勇終有灾失

歲運值之不容閑靜事多煩冗在仕者必見蕪穢多處重難之任常俗往來不停凡詳審為事者則有得躁勇為事者則有失也



邵曰居過中之位。行過中之事。所以乾乾以補過也。得之者高不泰卑不戚。小心翼翼十敗九成。朝榮暮逐辛苦多端。縱有發福發財之榮。寧无進銳退速之患。心不安為事拙。先勞後成。

九四或躍在淵无咎。象曰或躍在淵進无咎也。

重剛不中。上不在天下不在田。中不在人。處于上體之下。以明君子出處之象。數卦叶吉。可仕則

仕可止則止。一毫之私不存。可進則進。可退則退。一毫之私无。有進德修業及時行道何咎之有。數卦不叶。雖居富貴志慕消散。或進或退多惧多

疑終不能成事

歲運值之事多不足惟宜固守以免禍也若是僧道陽命獲福多矣

邵曰或躍試其所養在淵極其自養所以動靜得宜得之者隨時審勢不可躁妄否則掘苗助長弄巧成拙

九五飛龍在天利見大人象曰飛龍在天大人以也

此爻專發明聖人在位之象天地之間惟感與應得其所以感應之道則治失其所以感應之道則

聖人在上故日月星辰順其度而本乎天者親  
上也山水草木得其所而本乎地者親下也同心  
相應然後天地之間各以氣類相從聖人在上其  
感應之樞機與 數卦叶吉可當此爻 數卦不  
叶難當此爻

歲運值之在仕者必居清禁在俗者必遇尊貴其  
外或近洞天或造甲第或建龍神宮寺殿宇福緣  
之事皆有是兆也

邵曰飛龍在天聖人不敢自居利見大人上令下  
從故大有為也可以歛雲霧以揭日月之明可以

躍龍門以際風雲之會晦者明塞者通功名称心  
斷无疑矣得之者大貴提挈凡事无不可許

上九亢龍有悔 象曰亢龍有悔盈不可久也

居卦之極功成思退之象日中則昃所以顯其明

月滿則虧所以顯其魄 數卦叶吉能守其靜能

全其貴養其高而不至于有悔也 數卦不叶愛

勝貪高自貴自大常行欺公不能恤下若陰人其

性多悻

歲運逢之在仕者必退職遭逐但宜預先求閑也

五十以上者不宜其壽矣

邵曰處陽剛之極知進不知退知存不知亡知得不知喪是以動而有悔也苟不知變則禍患隨之盈極則虛不可久也得之者有虛名而无實惠傷破孤尅門戶不安涉艱履險皆所不免更防災害恐有池魚之殃退則吉躁進則凶

坤元亨利牝馬之貞君子有攸往先迷後得主利西南得朋東北喪朋安貞吉 象曰地勢坤君子以厚德載物

其象為地其德為順若有所往居事之先則迷居事之後則得氣乃凡物之朕兆形乃凡物之胎胚

乾之元乃統天謂既資始便能統天坤之元乃順承天謂既資生便能順承乾坤一元脉絡相貫蓋日月星辰之氣元流行于華岳河海之中而華岳河海之形无不承乎日月星辰之氣德合无疆坤象地道也妻道也臣道也卦氣在十月納甲是乙未乙巳乙卯癸丑癸亥癸酉借用乙丑乙亥乙酉癸未癸亥癸卯如生于十月納甲本命生年生月支干歸元爻位叶吉必為名高德厚之大臣其貴大寬容力能負荷如生日不及時及爻位失正者主有田產又有厚福長壽也如男命是亨厚福消

福若女命則有柔順之德而見夫榮子貴矣

邵曰得此卦者見誠昭明度量寬裕多不利于初  
年功名事業運用生涯皆有成于晚景為人柔順  
怯弱傷尅破敗琴瑟再調生涯重主凡事不可在  
人之先惟安分承順則可女命則柔順之體然不  
能安閑若兩見尤必多事

初六履霜堅冰至。象曰履霜堅冰陰始凝也。馴致  
其道至堅冰也。

以正義言之。初陰在下。由微而漸盛。有如履霜之  
初。而有堅冰至之理。象言如陰氣始凝結若馴致

不已而致其道遂至于堅冰也人命得此者生于陽月必是幼習詩書壯取功名晚享富貴若生于陰月及支干卦數不歸元者則是不中不正之人遠上背下損人益己諫之則怨諛之則喜終不得善其後也

歲運逢之當斟酌時宜防微杜漸在仕者宜親近良朋遠斥邪佞則免為己慮矣

邵曰陰類為冰猶小人始甚微而終盛大也得之者當懷剥床以膚之戒志有餘力不足始雖勤終必怠是非憂患皆因始謀不謹終有噬臍不足之



漢晦之晚矣。肚腹之疾。小災必謹。女命逢之有孕。免災。

六二直方大。不習无不利。象曰。六二之動。直以方也。不習无不利。地道光也。

坤道厚德。正在此爻。若數又歸元。兼卦叶吉。則為中正貴人。有定見。无疑惑。不回邪。不轉移。譽望重。力量大。其直方大三字。為吉兆。甚多以官職言。則正俸值院方面方正。亞中大夫大魁大拜皆是也。數卦不叶。亦為忠實忠直之人。少動多靜。

歲運逢之在仕。則戢官位高。遷在俗。則金谷增益。

也

邵曰六二柔順貞固之德更居中正安靜之地焉  
往而不利哉得之者宜不假積習之功而致天下  
之利事業皆得其宜縱有門戶陰私之玷必有大  
貴提携成名獲利而別有幾會也女命招貴夫貴  
子主財

六三含章可貞或從王事无成有終 象曰含章可  
貞以時發也或從王事知光大也

正義是言為臣之道當含晦章美而歸美于君乃  
可常而得其真也其或從王事而有所作為亦死

敢自當其成功。惟小心守成以終其事也。含章如  
萬物未甲折之時。花未綻開之時。一葉既開。萬  
物競吐。數卦歸元。則有學問文章作事標準。  
數卦不叶用之。則行舍之。則藏有功。則歸于人。不  
自私已。

歲運逢之。進取必成。經營必遂。

邵曰。此爻居下之上。為人臣之道。惟奉事以守其  
終也。得之者。從王事食祿。不可以家食也。掌權任  
事。无虛名而有實効。進謀身。遂始難終得。

六四。括囊无咎无譽。

象曰。括囊无咎。慎不害也。

此一爻與乾九四意思相似。彼言躍淵。此言括囊。故文言彼說上下无常。非為邪也。進退无恒。非離群也。此說天地變化。草木蕃。天地閉。賢人隱。是也。或問處此時為何時也。曰。是君子與小人並立之時也。不可便謂居山林之人為隱矣。易為君子謀。不為小人謀也。此爻乃君子小人並立之時。如大臣君子居斯時。而樞機不謹。必有害之者。謂六五。是也。六五位極而在上。雖中而不得正者。近乎邪也。今六四與之相近。雖未及中而得正者。不謂邪也。維當結括囊口。一于免害。與六三之含章。時

發不同此結括囊口不使微言著聞則其咎之  
哉然或有譽則是結之猶未密也 命數歸元便  
入貴格必為大臣當如此而處世也 如數不歸  
元生不及時則是利有餘而名不足

歲運逢之動不如靜謹固則无是非之擾

邵曰囊者財物之具括者結而不露也得之者雖  
有才華不自誇耀縱有財帛不自私盈只可退避  
括囊以俟不宜輕舉妄動自取多事

六五黃裳元吉 象曰黃裳元吉文在中也

六五以陰居尊中順之德无諸内而見諸外為大

善之吉也。他卦蕪數叶吉必文章高世科第冠  
倫蓋黃字為黃堂黃榜黃屋宗室之兆元字為省  
元會元殿元之兆又文字中字其兆甚多現文華  
文輔文昌之類是也中奉太中中書給事中之類  
是也。若元數生月非時蕪卦氣不符但是衣祿  
豐厚施為公正宜謙恭退步則免下人猜怨  
歲運值之凡事安穩不招凶厄矣數吉者在仕則  
有內除蓋黃甲之美兆也

邵曰事事安穩不招凶危守中居下遇陰貴成名  
尺蠖之屈可伸謀為進用可許女命能治家享富

貴

上六龍戰于野其血玄黃。象曰龍戰于野其道窮也。

正象只是陰盛而進不已。則陽亢于外有如龍戰于野。非正道也。君臣不分公私並立道之窮矣。弑父與君豈忍言哉。數不歸元。兼卦爻凶性藏陰。狠言語獨尊。志好遠謀。更變无定。多是軍戎歷艱。難吏僧受艱辛。若是歸元有用。燕卦叶吉。考為僧道有權。醫卜有譽。或武出師。臨敵陣上失功。歲運逢之。留滯他館。迁移他鄉。居家則防禍患。侵

身數更不吉此乃死喪之兆或有血疾陰命逢此尤不利矣

邵曰陰盡陽生窮極交通之義得之者寂寞簡短之中而有<sub>下</sub>韋豁奮騰之象惟防膿血之疾不宜爭訟只可杜門免致多事女人有孕免災不然亦有血疾不安之事

屯元亨利貞勿用有攸往利建侯。象曰雲雷屯君予以經綸。

內震為雷外坎為雲雲雷未能成雨則為屯屯者如事之鬱結未伸君子當經引綸理不宜坐視也



自二月至八月得時坎宮二世卦屬六月納甲是  
庚子庚寅庚辰戊申戊戌戊子如生月納甲之命  
及干支歸元兼卦爻位叶吉者必功名富貴命也  
邵曰屯蹇之際經則秩然有條綸則不亂得之者  
歷艱履險如不知審察進退則生灾禍悔過无及  
若見貴人提挈廣成資助立功成家少解不足之  
懷變惡為美不利寒冬

初九盤桓利居貞利建侯象曰雖盤桓志行正也以  
貴下賤大得民也

才德過人謙恭下士行古今之大道竭忠孝之正

理如生月及時元數有用兼卦叶吉位至公卿  
職開藩閫恐非太平之時必在危險之地若失時  
不歸元兼卦不叶者亦有威權服衆但遲疑不决  
屯滯不寧

歲運值之事要謹審不可遽動數吉不失時者乃  
得人心服從數凶兼卦凶者事有屯滯不寧

邵曰雷方在下未可遽動君子須從容可也得之  
者須心懷謙退迺得民心若不審勢量力輕舉妄  
動則禍生于不測縱得大貴契合亦不免費力破  
耗无成大抵宜緩圖方可立脚

六二屯如遭如乘馬班如匪寇婚媾女子貞不字十年乃字象曰六二之難乘剛也十年乃字反常也

稟清才行正道進取經營凡事緩緩畜之此欲速彼反應遲若生月及時本數歸元先孤後不孤先困後不困或為鄉曲善士或作岩穴幽人或為守節之女或作甘貧賢人生月非時本數失局圖近失遠遠親向疎雖得尊高之取用乃招卑下猜嫌啟運逢之在仕者或聯班改秩五馬有榮或禦兵寇或成親姻又主進退猶豫不決或見官訟勾連

或在程途阻滯或生男子或生災厄

邵曰此爻屯難憂危男女婚媾之象得之者災厄恐非一端聚散不常幾會挫失為事進退謀用塞塞若能貞固安分庶得利成女命婚姻主遲

六三即鹿无虞惟入于林中君子幾不如舍往吝象曰即鹿无虞以從禽也君子舍之往吝窮也

常懷報國之心難遇明時之主知幾固守順理安行古之聖人如舜居深山之中與鹿豕遊是也若生月及時納甲歸元者如此設或生不及時數无歸元飄泊生涯辛苦活計或道或僧或醫或卜

歲運逢之動不如靜則猶可爲動則无可得  
邵曰欲得鹿而无虞人身既入荆棘中欲奔終不  
能脫始欲得獸終則從禽若不見幾而舍往吝窮  
矣得之者惟慎勿貪進須忖度勿冒然有爲欲人  
汲引以致敗胎憂

六四乘馬班如求婚媾往吉无不利 象曰求而往  
明也

屯難之世非命世之才不足以濟天下之難命世  
之才伏于草萊之中非近君之臣搜採而致之屯  
難无解如數吉相符者初作人才終逢明主入

聯清班出為五馬已不求人人自助已若是女人  
夫榮子貴如數卦不叶或離改祖業或疑或惧  
懦而无立雖遇尊賢之提拔難得振起常陷于小  
人之中而已

歲運逢之成名祿遂幾會之來有不容過者也列  
求朋友問親姻之吉

邵曰以柔弱之資不能濟難力量淺薄作事遲鈍  
須假人方可成立藉衆力而成姻媾之喜

九五屯其膏○小貞吉○大貞凶○  
象曰屯其膏○施未光  
也○

稟中正之德懷惠愛之心名利場中但宜小作規模耳 數卦叶吉者如此 數卦不叶吉者好大貪功必遭凶禍志欲穩穩施為事宜徐徐斟酌歲運逢之皆當如此處之數凶則當以不占詳斷邵曰一陽陷于二陰之中未能光明顯著得之者志有餘力不足望高就淺弄巧成拙非恃貴人不能謀事業更宜謙卑女命得之子息有則必傷上六乘馬班姁泣血漣如 象曰泣血漣如何可長也。

數卦叶吉者近前退後心志不堅知古通今功名

難遂常生悲戚多歷艱難 數卦不叶者親眷利  
傷婚姻孤尅

歲運逢之居家見服在任防諺去住不逞是非難  
辨若數凶壽何可久

邵曰處屯之世居險之極下无應援動則維艱得  
之者委靡退縮事有成敗傷親破財帶疾損壽否  
則更有折挫之事門戶不寧喪服悲苦不免

蒙亨匪我求童蒙童蒙求我初筮告再三瀆瀆則不  
告利貞 象曰山下出泉蒙君子以果行育德

艮山之下而出坎水之泉遇險而止其卦為蒙



子觀此象以之決果其行養育其德果行耶抑不  
之流育德取艮山之靜凡得此卦者候彼之求待  
時而動離宮四世卦屬八月納甲是戊寅戊辰戊  
午丙戌丙子丙寅如生于八月納甲之命及主數  
歸元兼卦爻叶吉者功名富貴命也

邵曰行者身之所行德者心之所得行不果則有  
遲疑之患德不育則有躁進之非得之者靜中有  
動動之未知所通故于險處以求其利祿也

初六發蒙利用刑人用脫桎梏以往吝象曰利用  
刑人以正法也

初六陰暗居下民之象也得九二剛明之賢有典刑在上而蒙自發矣故不犯桎梏過此以往則各如生月主數歸元親近尊貴力勤德業或不由進取成名或不通文字改秩元教兼卦叶吉者或修國史而立典刑或掌兵機而行賞罰若數卦不歸元亦為良民善士飽食暖衣不受辛苦且无爭訟之擾

歲運逢之遇合尊賢成名發福但宜恭謹常如拘束斯為可美不然多生官訟或賓朋不和門戶干戈小人暗昧是非終得解脫數凶則懲蒙而用刑

不容于世戒身也

邵曰以陰柔居下蒙昧之甚得之者不拘貴賤皆有刑制橫逆是非疾憂破敗孤尅若知戒而不貪庶不陷于前轍

九二包蒙吉納婦吉子克家  
象曰子克家剛柔接也

乃是廣其包容之量哀矜昏愚以成治蒙之功則吉然又不可恃明自任雖婦人之有善亦當納之故曰納婦吉二能盡誠以勝君之任如人之子克治其家者也  
元數有用兼卦叶吉必是大賢君

子度量容物和氣待人于國于家盡忠盡孝 數  
卦不叶則能起家或得妻力得貴子

歲運逢之或守官職或為師模或結親姻或生孫  
息尊賢交接動止平安

邵口九二以陽德居中包含群蒙得之者賦性寬  
弘循循善誘有畜衆之量柔利善順須千金不惜  
不以利而忘意有委託之勞有進人口得子之喜  
女命可以招封祿生克家之子

六三勿用取女見金夫不有躬无攸利 象曰勿用  
取女行不順也

不中不正之陰上則不應上九下則九二剛健金  
夫之說是不能自有躬也故勿用取此等女則无  
攸利矣以其所行不順故也 數有歸元或為尼  
妓而有福變蠱卦九三亦足以為果决能才蕪卦  
吉者或為寵妾先輕後重 元數无歸蕪卦失位  
心有險計口无實言縱有利名亦是棄本逐末違  
正從邪者也

歲運逢之宜靜定而用好心然亦宜謹防惡事或  
損財生是非或陰人不睦

邵曰舍上九之正應却從九二之金夫見小利而

失大義且難為琴瑟之好。若非有妻命相敵必將  
傷離不然亦有无窮之患是非爭鬭特其餘事女  
命邪辟不可取者

六四困蒙吝。象曰困蒙之吝獨遠實也。

柔闇而无強援困于昏蒙者也。故吝。他爻之陰皆  
與陽相近獨此爻遠剛實之陽爻也。元數有用

無卦叶吉雖是才人難逢明主獨善一人遠居僻  
處。若數不歸元卦無失位寡與人交自恃已德  
宜作僧道免克絕子孫

歲運逢之動則有損失靜則无災憂

邵曰以柔居正上不得干上九下不得干九二獨處遠隔得不吝乎得之者困頓悔吝賦性梗介不苟求于人人无垂情于我甘分退守不為奔競若妄為則有悔

六五童蒙吉 象曰童蒙之吉順以巽也

柔順居中童而蒙昧者也以能任九二剛明之賢又能以柔順巽從于人故吉 如數與卦相符其為人也初心明敏壯志謙恭或是幼習童科或是早承祖蔭 數无歸元兼卦不叶此亦安常守分 和光同塵之人

歲運逢之統符得穩幹謀皆順

邵曰艮為少男六五居艮之中變而為巽順九二之包蒙故吉得之者當招克家之子振祖宗宗幾會之末宜小心以應若自高必見拙女命生貴子上九擊蒙不利為寇利禦寇。象曰利用禦寇上下順也。

有剛明之德巍然在上動變師卦當柔主之時任已為將擊去六三不中不正之寇也兵以先發為寇待寇先發而後擊之則利矣故曰不利為寇利禦寇。元數有用兼卦得位必有名祿或從右選



或立戰功或是節制武師或是主管刑獄如元數  
他卦失用者亦有志氣能勝難之重貴大事不推小  
事不欺

歲運逢之靜以待動動則有濟如常俗得此者防  
文訟賊寇或入婢奴為灾若士進取必見成名此  
乃寇禦有戰功者也

邵司以陽居君位之上師傳之任也得之者因直  
言致怨明知而不與之辨斯見德容能稱巡尉之  
職上下皆順也

需有孚○光亨貞吉○利涉大川○  
象曰：雲上于天○需君

子以飲食宴樂

坎水為雲。列于乾天之上。未能成雨。當有需待。故其卦為需。君子觀雲之蒸潤。有益于物。故以飲食養其氣。休宴樂和其心志。所謂居易俟命也。又有一說。君子體宴樂飲食之象。豈以肥口膏腹獨樂為樂哉。為國之君。當思施令及于一國。无他。飲食者。人人之所同欲也。周遍普洽。沛然大公。如雨之需。莫不霑溉。不然。則思不及下。慮不廣施。无以慰群望矣。樂乎不樂乎。况酒池肉林。長夜靡靡。竭民生之膏血。以用養者乎。凡得此卦。心不妄動。急事

緩行可也。坤宮四世卦屬八月納甲是甲子甲寅甲辰戊申戊戌戊子借用壬子壬寅壬辰若在八月及納甲之年生者功名富貴人也。須要元數歸元卦爻叶吉者其應是也。

邵曰：需待也。君子藏器待時者也。苟不知所待而僥倖冒進，則是掘苗助長，鮮有不敗者也。得之者優游自適，无躐等躁進之求。宴樂自怡，有安分待時之志。稟性貪吝，作事悔疑。

初九：需于郊，利用恒，无咎。象曰：需于郊，不犯難行也。利用恒，无咎，未失常也。

居初而遠于陰故需待于郊野曠遠之地不犯險  
難而行所利安其常道不敢躁進則无咎而永矢  
也 元數有用蕪卦叶吉必為清蕪公正之人不  
以富貴為榮不以貧賤為憂數不歸元爻卦失位  
亦當隱居山林隨分衣祿毀之不怒害之不喜  
歲運逢之為士人進取者宜從外略雖有成就未  
憚其意為庶人經營者宜守舊業謹審用事則免  
禍數凶蕪卦凶者莖于郊野矣

邵曰需于郊利用常道動靜起居不少改其節  
難險阻不交移其錫得之者杜門待時謹畏自勉

庶無後憂

九二需于沙小有言終吉

象曰需于沙衍在中也

雖小有言以吉終也

近于坎水坎以需于沙為義近于險地小有言語

之傷矣然居守乎中故終吉又宜以寬衍之道在

中也元數有歸他卦叶吉者必貴人矣沙之一

字或是地名為文則是宰相行沙堤為武則是將

軍守沙塞又言字中字為兆甚多以官職推之有

正言言路侍講侍讀有太中中奉給事中中書省

皆是數卦不叶奔走江湖將談頰舌或是初年

知書終歲得福

歲運逢之凡事放寬則免險禍或主小人是非或主卑幼爭訟在仕而得此數者必加言路正言之職如蕪卦凶者雖有忠言正論未免沮于邪議矣惟且寬緩靜心不辨自明

邵曰需于沙平行寬綽之地遇險不能為咎也得之者施恩致怨諛譖易生亦不為害又因賦情直率致招禍尤惟所為寬裕故得吉而善終也

九三需于泥致寇至象曰需于泥災在外也自我致寇敬慎不敗也

通近坎水故以需待于泥為義其災在外坎卦之  
險也剛而不中健而好進致寇難之至自我逼之  
能敬謹則免于敗也數不歸元卦爻失位者惟  
習剛強身遭險難不聽君子忠言惟信小人妄語  
元數有歸無卦叶吉者雖有名利常是憂患  
歲運逢之宜靜不宜動動則見災在仕者御下賞  
嚴去邪貴決仍防水厄或防盜寇可免失脫

邵曰泥近于水進近于險致寇之至得之者不宜  
出入謹防盜賊意外之擾同舟之敵骨肉之乖官  
災破耗重逢疊見惟躁所招施恩報怨皆自取耳

六四需于血出自容 象曰需于血順以聽也。

陰居陰位以當三陽之進而有傷故需于血既傷則不安其居故出自穴以避之小象又謂需于血者陰柔不能與時競順以聽于時也 元數有歸 蕪卦叶吉必為正人有才有德不害不貪時變知機功成知退元數无歸遠親向疎出家作旅或幼失恃怙或老倚豪富若元數无歸蕪卦凶甚或作奴婢聽從使令

歲運逢之或在囹圄而未散或在商旅而出沒遇數不歸元好處退步關中省言或生是非或成爭



或生血疾或見鞭刑或憂長上或損嬰兒若為  
仕人進取者在國家必成名而出矣在方州則不  
得志也出落之兆

邵曰坎為血六四逼近于坎出求以避之庶免于  
害得之者宜靜守管閑事必招怨尤更防膿血之  
疾然不幸而處于患難能順時警察故終不陷于  
險也

九五需于酒食貞吉 象曰酒食貞吉以中正也

陽爻在中得正无求不獲需于宴樂酒食以俟之  
且既得貞道所需必遂故吉 若元數有歸無卦

叶吉爲大貴人。有功及民。不私于已。請詳正中二字。北應官職多端。太中中奉給事中。中書省正奏。正言正印正字皆是也。或元數光歸亦是。金谷豐盈。安靜享福。魚卦失位。亦爲飽食暖衣之人。歲運逢之。在朝廷則有食邑祭酒之榮。常居則有粟帛婚姻之喜耳。

邵曰九五爲需之主。天下治安。无所復爲。得之者享富貴。獲正權。足才帛先。或艱難後斯。終福更得酒食之喜。終見多事。

六入于穴。有不速之客。三人來。敬之終吉。象曰。

不速之客來敬之終吉能不當位未大失也

陰柔之資乃安其處故為入穴之義然三陽需待

以進有不待召而自來矣能不與兢而敬待之則

吉雖陰居上而不當位然能敬順陽不侵凌未為

大失也元數入格多為儒者為是先勤後怠早卒

銳志功名晚歲棲身若谷親賢接善誰不願逢

數卦不叶處順安常自以為樂

歲運逢之無卦不叶元數光歸者輕則繫于縲紲

重則埋于丘塚數皆者謹慎則免是非久憂得散

邵曰六四出穴自變上六入穴安處三人下三陽

也得之者患難自平憂危自適惟當敬之則吉否  
則有灾患爭訟失脫之虞又看變卦吉凶何如  
訟有孚窒惕中吉終凶利見大人不利涉大川  
象

曰天與水違行訟君子以作事謀始

乾天向上坎水趨下二者違行其卦為訟君子觀  
此致訟之象凡所作事必謀之始謀始如何謹擇  
交朋契券而已使忿爭無其端自然不致于訟也  
聖人之誨人可謂詳矣訟之意豈只爭訴于公庭  
者乎其貪名逐利而不知止者亦是也離宮四世

卦二月納甲是戊寅戊辰戊午壬午壬申壬戌

借甲午甲申甲戌如是二月納甲本命生者功名富貴人也

邵曰天居東北地向西南上徙下險兩強成訟然二五居中自信必至聖人戒之中止則吉終訟則凶又須見大德之人為聽訟之主方吉不利涉川凡事宜謹始得之者剛毅木訥有威可畏所為之事必勝于人賦性狹隘常懷不足多招怨謗喜亦不喜有成有敗

初六不永所事小有言終吉象曰不求所事訟不可長也雖小有言其辨明也

柔弱居下有應援而不長求其所訟之事雖小  
有言可保終吉是後必得辨明矣 元數無卦叶  
吉者心性明慧度量寬容知機大速所事不疑又  
當以言辨明三字求之或幼聰明言詞雄辨或入  
言路 數卦不叶或遭讒謗凡所作為多不長求  
歲運逢之在仕或遭讒謗不辨自明或逢災厄勿  
藥而愈常俗值之或起是非或生爭訟數吉位入  
言路數凶無卦者壽不求也

邵曰陽剛好訟陰柔好靜初六陰柔必不得已而  
致訟終不久遠得之者柔懦受晦長抱不平之氣

雖遇警疾終日憂心

九二不克訟歸而逋其邑人三百无眚象曰不克訟歸逋竄也自下訟上患自掇也

中而不正以臣訟君知其勢之不可較而逃之虞于至小之邑以免災是僅能自免而无眚也不然爭而不已其掇取禍亂也宜哉元數蕪卦不叶動則多難心不服人進則沮剋退而修已數辭叶吉或是宰邑或為戶曹戶部少卿司武或无灾青或有德隱居

寂運逢之其數吉者加食邑其數凶者訟爭戶婚

更有燕卦元數凶之甚者斥逐逃走皆由是也

邵曰賦性剛直不受激渫不忿不懣侵成大患得之者動靜无端以致困弊而不可救是不審已量力好訟不克而逃爭訟疾病是非破財能敬畏守分則吉

六三食舊德自厲終吉或從王事无成象曰食舊德從上吉也

或承祖父母之恩以忠事君或守田園之業无私于已數卦叶吉者如此若數卦不叶吉者先難後易始辱終榮威而有仁剛而不震常守不競知足



无求

歲運逢之有守職者如舊求功名未成

邵曰以一柔居二剛之中處危疑之地不能與人爭惟當食舊德而已得之者歷風波涉患難雖遇多事含容隱忍力持不較庶使怨咎永釋或從王事食祿只宜守舊

九四不克訟復即命渝安貞吉 象曰復即命渝安

貞不失也

以正義言之九二九四皆曰不克訟兩爻陽剛正是險健而能訟者何謂不克蓋五君也彼二不相

應此四逼之而能險健為能犯上必矣必欽然自  
處于不能之地而後可也故皆曰不克訟 數卦  
如叶吉必為貴人其志剛其心仁聞善必行知過  
必改此命即是爵命壽命此安字吉兆甚多如安  
國安民安家安身安靜安撫皆是也女人為命婦  
女人能守貞潔是矣 數卦不叶吉不能安分而  
謹固則失節為不仁不義而犯上矣

歲運逢之在閑官必復職為通旅必安家與數合  
吉其厄患者則平安與數合凶其榮顯者則安置  
又推其後字或是州縣鄉地名或人姓字之兆如

仕人進取以小象不失字推之即主得名

邵曰九四居近九五之尊而健訟初爻不能助乃就正理安于義命得之者富貴窮通能安于所遇不變所守故吉致訟不成遇憂散釋乃為喜也

九五訟元吉。象曰訟元吉以中正也。

中正居尊主訟者也。以中正主訟故得元吉。數

卦有歸元無卦叶吉必為至中至正之貴人文章

高世學問行倫其元字則是進取三元之兆其正

字則是正奏正言正印止拜正字。數卦不叶吉

亦為中正謙恭善士亦行中道知幾固守

歲運逢之進取者成名營謀者獲利

邵曰艸既剛明強梗者有所畏憚柔弱者必得獲  
申得之者剛明正直執中剖決居家有經理之才  
若官有歲平之正進取有榜首之兆可掌重權可  
以任民可以委用有爭訟亦是得理

上九或錫之鞶帶終朝三褫之象曰以訟受服亦  
不足敬也

剛健之極窮極上所謂終凶是也倘或訟勝而  
受賞且猶不足敬而衆皆褫奪之况未必勝乎未  
必賞乎

數卦叶吉貪高爭勝好大喜功力于爭

競勇于敢為。數卦不叶吉。不見沮而不止。不逢  
敗而不什。初或得之。終或失之。

歲運逢之。有成有敗。好惡相半。常人或見爭訟。或  
承重服。若仕進取。則見捷報。禡之兆。自然相符合  
有驗矣。凡訟之終。則凶用之。自訟則吉。

邵曰。上九處訟之極。犯聖人終凶之戒。訟雖得勝。  
亦不為安。得之者。既叨錫命之榮。復貽三禡之辱。  
平生事業。求勝好爭。必為所敗。誠所謂一特得志。  
終有損傷。

師貞。大人吉。无咎。象曰。地中有水。師。君子以審兵。

畜衆

師者衆也。坤地之中有坎。聚水于地。為衆聚之象。故為師。君子觀此象。容民如地。容水。能容受之。斯能畜衆人矣。故孟子曰。天下莫不與也。天下莫不與。我與則復誰與敵哉。坎宮三世卦。屬七月納甲。是戊寅戊辰戊午癸丑癸亥癸酉。借用乙丑乙亥乙酉。凡在七月及納甲之年。生者更得元數。有用功。名富貴人也。又當看兼卦輕重。推之其大則否。太師少師。師相師。將其次兵師。師旅師。範戰師。寇師。法師。教師是也。

邵曰師本尊嚴當持仁執義愛人之憂反凶為吉是也。若賦情好勇進銳退速不自服善不能自處憂勞自此生訟獄而不息得之者敬而慎之。

初六師出以律否臧凶。象曰師出以律失律凶也。

否字訓不字臧字訓善字。夫律者行兵之法度也。今初六云師出當以律法為先。若不善其律則敗矣。故小象曰失律凶也。此爻看元數若有用威明服衆恩惠及人用心不私圖謀事密元數不叶及失局者行事不依古法初雖富貴終則敗亡。歲運逢之事勿輕進成少敗多數凶者傷壽。

得曰兵凶器也。以一身統之。陰險憂勞。吉凶未保。得之者多。因盡忠破財反成怨咎。事故多端。應酬不暇。自己之灾。飲食惟謹。

九二在師中。言无咎。王三錫命。象曰。在師中。言承天寵也。王三錫命。懷萬邦也。

九二以一陽為五陰之主。雖中而不正中。即正也。元數兼卦叶吉者為中。直君子剛而不害。威而有惠。其中字之兆為太中。中奉給事中。中書省及不象所言諸師字。宜分輕重消詳之。无不應也。歲運逢之多見好事。在仕者必加寵錫。天書爵命。



在外者入朝在內者出師常俗遇貴僧道受恩陰  
命受封士人成名如數卦不叶者亦吉善人也  
邵曰九二以陽剛居陰柔適中得行師之道故能  
受錫命之寵得之者主生殺之權操特委之任多  
事多憂憂中有喜常人見貴求望皆吉

六三師或輿尸○ 象曰師或輿尸○大无功也○

才德太弱大衆不服令不執一下者不信只可小  
施為不可大作用數卦叶吉者如是也若元數失  
局蕪卦不叶者壽筭難速

歲運逢之失旬斷必終筭或數歸元入局悲憂多

見或服制丁艱如與命相合為吉兆又以變卦升九三升虛邑未入仕者不阻成名已入仕者受錢待缺

邵曰上以專心用權下以專心効力委用不專事權雜出以分九三之權出而无功得之者作事少成多敗亡國破家喪服之患未免出路則吉

六四師左次无咎 象曰左次无咎未失常也

左次謂之退舍夫善師者不必戰以守為戰亦戰也善戰者不必進以退為進亦進也數吉而無卦吉者為吉兆多矣左相左轄左郎左選左司左

之類皆是數卦不叶吉只是守靜安居退則為吉  
歲運逢之或寄寓常人不惹險厄且无官司

邵曰行師貴剛強六四陰柔知難而退居左次所以明進退出處之幾庶免悔吝之咎得之者勞後  
多事無有衆之憂苟能曲處則吉

六五田有禽利執言无咎長子帥師弟子與尸貞丈  
象曰長子帥師以中行也弟子與尸使不當也

出師之道无他名正而順柄專而一則无敵于天下矣元數吉兼卦吉進身有道立功有德彼動此  
應先審後行而吉也 數卦不叶事非其實身先

輕進不審而進未備而行妄言妄為多謀多拙又  
看生月及納甲本命得之者或居村野有田園有  
犧牲有學問有權柄或長子充家或次子傷壽  
歲運逢之進取功名榜例在後更入局地位高顯  
者或為執政或入言路數凶事不可為矣

邵曰行師既用九二長子又用六三幼弱必致敗  
亡且有害田之禽實害民之命也得之者可以掌  
興利除害之權司鋤姦革害之柄要執一不二乃  
濟有權柄中之利害有婚姻骨肉中之喪服

上六大君有命開國承家小人勿用 象曰大君有

命以正功也。小人勿用必亂邦也。

元數入格兼卦吉者為正大君子必受是寵。早有爵命有壽筭或立朝廷之功或承祖父之蔭若元數有凶兼卦失位此為不公直之人恃其時勢欺其良善則可以同患難不可以共富貴。

歲運逢之已在仕者當權立功未入仕者較藝成功但謹防讒佞之言恐生僭躐之禍如常俗之人可以開鋪店可以立家計在人活法推之自符合也。

邵曰上六師道已成賞功報財之日也。諸侯有功。

使之開國。大夫有功。使之承家。封建爵祿。小人有厚賞而已。若加之重爵。則暴傲致亂。待之者有汗馬之驅馳。遂成世紹之勲業。士人幾會之。未有任權陞擢之喜。

比吉。原筮元永貞。无咎。不寧方來。後夫。象曰。地上有水。比。先王以建萬國。親諸侯。

坤地之上。有水入之。其卦為比。先王觀此象。以建萬國。以比其民。親撫諸侯。以比天下。比親也。親君子則吉。親小人則凶。坤宮三世卦。屬七月納甲。是乙未乙巳乙卯。借用癸未癸巳癸卯。戊申戊戌。戊辰。

子如生于七月及納甲本命者功名富貴人也

邵曰一陽當位五陰專之永久貞固庶得親比之道待之者碩德重望財祿豐隆稟性高不習下事不拘成敗利于秋冬不利于春夏也

初六有孚比之无咎有孚盈缶終來有他吉

象曰

比之初六有他吉也

相比之初必有孚誠以比之則无咎有孚誠盈滿

且質實无浮偽无文飾則有賢人君子自外而來

相比也何咎之有數有歸元無卦叶吉无虛浮

有真貨應遇外賢受正祿更當称心如不入局或

僧道技藝當時優游不歷艱苦

邵曰首比于五信實充滿于質素之正終得不一之吉得之者凡事皆吉出于无心中得未幾會須要信實以輔乎人

六二比之自内○貞吉○象曰比之自内○不自失也○

中正之德謹嚴自重求之則進棄之則止不輕動心不妄涉事元數兼卦叶吉貴力福深氣厚所出一言發于貞見所行一事出乎本心其内字為兆者内舍内翰是也數卦不叶亦是誠實之人得妻之力得貴人依附



歲運逢之仕者必見內除進取者在大學不出府州縣中也

邵曰以柔中比九五之剛中自內比外貞固得吉得之者交游以信處人以誠故人相與成歲寒之交有晏平仲之善資人用事有比和而无差違必不可自以為是也

六三比之匪人。象曰比之匪人不亦傷乎。

匪人言蹈于習惡失其本心不足以為人也。孟子謂无惻隱羞惡辭讓是非之心亦曰非人也不中不正與上下二陰相比而與上六爻不中不正之

相應不亦有傷乎凡此匪人則耳濡目染聲應氣  
化如之何其不淪胥以溺乎 元數有用兼卦叶  
吉者進學有成執心不定常親小人終有失志  
數卦不叶或帶疾生灾如匪人之狀或有殘傷  
歲運逢之交朋猜忌氣血損傷或是女子其心非  
良數凶者乃喪身之兆

邵曰六三陷于二陰之中比非其人所以有傷得  
之者賦情寬仁事謀不能擇始施恩成怨皆親比  
之匪人以致魚殃之及已疑心處事反招是非  
六四外比之貞吉 象曰外比于賢以從上也

四當與初相應。謂之外比。是能謙下親賢于初六也。如此方見誠心能聽從而成比道也。數卦不叶。為人正直无私誠而不妄。如數卦叶者在仕。虛已待賢。盡節事君。身處于內。心在于外。歲運逢之。進取者成名。增利仕途者升。庶俗耳出外必獲知己之力。

邵曰。四與初應。而外于五合。乃得其正而吉也。得之者可出外求謀用事。有相親助力之人。或見入贅過房之意。

九五顯比。王用三驅。失前禽。邑人不誡。吉。象曰。顯

比之吉位正中也。舍逆取順失前禽也。邑人不誠上使中也。

居尊當顯明比道使天下人人自來親已有如王者。收獵用三驅之網開一面受其來者失其前禽之去者此來不拒去不追之義也。凡居邑之人不待告誡自然順從此之謂比吉也。元數兼卦不叶有中正之德兼內外之心來者不拒去者不追。獲无意之財起慈仁之心度量寬容事成重迭先孤後不孤先難後却易。元數兼卦不叶吉大則食。

邑正奏正言正拜大中中奉中書給事中若是數

局幽者動者百出或武換文

歲運逢之在仕先逆後順常人平穩求謀有所  
行称心遂意

邵曰九五為比之主。光顯比道。有不拒不追之義。  
得者誠意待物。恕已及人。施仁得衆人之歡心。報  
惠得无心中之才。祿愛人者人常愛之。敬人者人  
恒敬之。之驗如此。

上六比之无首。凶。象曰。比之无首。无所終也。

正義釋之本非吉。爻若元數入局。兼卦吉者身正。  
才清多失。幾會常生。後悔悔之不及。數卦不叶。數

筭雖遠或見大凶或受殺伐无首之凶也

歲運逢之數好者忌與下交急求上力若是數凶  
壽筭必終更得凶禍

邵曰親比之道宜在人前不宜居後得之者進退  
遲疑成中有挫輸忠効勞反成怨咎骨肉无情婚  
姻乖戾琴瑟不調鴈行失序多事勞碌有家人小  
口之災破躰傷人之事凶所不免更防爭盜

小畜亨密雲不雨。自牧西郊。象曰風行天上。小畜。

君子以懿文德。

外體巽為風風无形至柔而行于天上是至柔行

至剛之地德服強暴之象語曰遠人不服則修文德以來之是也又有一說取義是巽行于乾天剛健之上以小畜大其卦為小畜君子觀此以之懿美其文德凡君子之蘊畜大則經綸事業小則文章才懿是也巽宮一世卦屬十一月納甲是甲子甲寅甲辰借用壬子壬寅壬辰辛未辛巳辛卯君生于十一月及納甲本命者功名富貴人也

邵曰六四以一陰之小畜止陽之兢進得之者家人妻妾衆多一生不得其力反受其咎誰為分憂任事之人骨肉无情反有同舟敵國之意外強內

弱不審是非剛正伶俐有文章畜積之象

初九復自道何其咎吉

象曰復自道其義吉也

復者反也自道者我之所有非外得也陽剛自強  
上有六四之陰止之時不容進故復其自之道也  
數卦叶吉為人有剛正之德順理而行知幾而止  
若卦數不叶或身處榮華而心慕閑散或為僧道  
或獨自奮

歲運逢之在閑官者復賤逆旅者還鄉在常俗者  
安靜數凶無卦凶變巽進退志疑在仕招猜忌疑  
惑之事



邵曰初九為六四畜止復其自有之道何咎之有得之者凡事隱忍退避為佳庶得免是非之失

九二牽復吉 象曰牽復在中亦不自失也

此爻中而不正與初爻正而不中兩爻相連而復其中正之道也牽字訓連又訓牽引又中字義多數卦叶吉為字此則是太中中奉給事中中書省是也 若數卦不叶必與小人相交或有小貴不能大用

歲運遷之以數分輕重詳息數凶者牽連反復失而復得之意也

邵曰三陽競進而為六四所畜九二得中復其位而不往得之者當益人不可利已閑事莫骨恐被牽連惹禍之憂中間亦有衆力扶持之喜

九三與脫輻○夫妻反目○象曰夫妻反目不能正室也○

元數兼卦叶吉者俱宜保守不可妄進又宜小小營謀不可含高望大方吉 元數兼卦不叶剛健太過拘執難通諫而不從終則見沮或君臣踈遠不孚或夫妻永處不睦或朋友是非或血氣損傷歲運逢之或人口分別或榮而見辱或進而見退

或生足疾或見目傷

邵曰陽剛銳進六四止之如駕車脫輻三爲夫四爲妻而非正應所以反目不能和鳴寵妾專權勢必以偏爲正得之者或佐二而得正權故是有名而無實內防陰人小口之灾疾厄未决之事

六四有孚血去惕出无咎 象曰有孚惕出上合志也

血傷也惕惧也爲衆陽之主以柔止剛獨陰得其正有忠誠信實之德其志與君上合而相孚其傷血自然而去其憂惕自然而出 若元數兼卦叶

吉者為正直之貴人

數卦不叶利行謙德

正道上者信用下者猜嫌或生血灾或常憂戚

歲運逢之出遇大貴多逢知己在廟堂者必外遷

在國家者必見出常人憂愁者至此安也數凶者

血氣生疾内外不睦生事見傷或常憂戚

邵曰四近君而能畜惡群陽不得而傷之得之者

惟信義可以脫灾多招貴人刮目却有小人侵凌

虛驚膿血之疾未免憂思意外之擾不无

九五有孚學如富以其鄰

象曰有孚學如不獨富

剛正之德與六四合志相孚學如以已之所能而  
與人共之則太公无私志誠不妄 數卦叶吉貴  
不自尊富能濟下彼此如一體親踈无二心如不  
叶不能獨立自奮但倚附尊上而有受用或得仁  
人之助神佑而有倘來之福也

歲逆逢之見上必信用求下必欽服難中得易進  
取成名

邵曰剛中居巽牽衆來從富而為善之多由其自  
相賴也得之者輕財重義常懷濟人利物之心誠  
實不矜每得長者仁人之助

上九既雨既處尚德載婦貞厲月幾望君子征吝  
象曰既雨既處德積載也君子征吝有所疑也  
數卦不叶名利總成破失便來可謂受恩深處置  
先退得意濃時便好休可以免身後之累 數卦  
叶吉積仁積德足衣足食若是陰命性剛心悞  
脫災攻

歲運逢之閑中退步樂處休貪則免身後之累  
數者變需入穴壽元險矣

邵曰畜道至此可謂蹇蹇琴瑟不調子傷憂至更  
有不決之事雖望不成慎之則吉

履虎尾不咥人事。象曰：上天下澤，履君子以辨上下，定民志。

履不處履虎尾，此踐行也。物畜然後有禮，故受之以履。大象辨上下，定民志，亦作禮字訓其義與履同。艮宮五世卦，屬三月納甲，是丁巳、丁卯、丁丑、壬午、壬申、壬戌。凡生于三月及納甲本命者，功名富貴人也。乾兌二体，屬金、秋、正旺。

邵曰：乾剛猛之獸也，兌和悅也。如履虎尾而不可傷，反致亨通也。得之者雖有大驚小怪之事，乃虎

頭蛇尾不能為害

初九素履往无咎。象曰素履之往獨行願也。

陽剛之才素處于下。所履之正而往則无咎。故得致君澤民之願。君子在天下非出則處。幼學壯行。今履之初必得有雅素之學。然後可行。此非利其時也行其志也。古人學而後行。今人行而後學。數卦叶吉者。剛立有守。真實不華。處艱難不以為憂。居富貴不以為樂。違則無善。天下窮則獨善一身。數卦不叶。或是科目齋志吏事尤長。或是遠別親眷。或是清閑僧道。



歲運逢之不利進取惟宜遠營外謀必有稱遂乃  
尚素之履道也數凶兼卦不吉者縞素之兆也  
邵曰初與四應而相敵是因其求而往何咎之有  
得之者不為過分之謀乃免危險之患事少勞力  
似乎難成

九二履道坦坦。幽人貞吉。象曰：幽人貞吉，中不自  
亂也。

數卦叶吉剛陽之才足以中德足以行道坦然无  
險矣猶能幽靜貞固自守不以外物亂其心雖居  
鐘鼎之榮不忘田里之業數不歸元兼卦失位多

非清閑中人

歲運逢之宜行實地謹審待時乃尚幽靜之義也  
人事自然和睦安然之兆數凶幽人之兆死生之  
異承三之凶故也

邵曰九二得中如履坦坦之地幽獨守貞之象得  
之者有履虎尾之敬憂却無傷人之患害更改進  
用為福甚多

六三眇能視跛能履履虎尾噬人凶武人為于大君  
象曰眇能視不足以有明也跛能履不足以有  
行也噬人之凶位不當也為武于大君志剛也

以一柔而處二剛之上位非中正必見傷害如剛  
武之人得志而肆暴之象數卦叶吉常宜畏  
切戒輕進不然則有危難傷身或防眼目手足之  
疾如元數不歸兼卦失位必為軍卒少有善終如  
秦政項籍豈能久乎

歲運逢之守靜則安功名難就宜畏謹則免安危  
若勇于行則凶常人防怨望之事數凶者損身

邵曰六三以柔居剛跛眇而視履虎噬人之凶也  
猶武夫而為大君不能稱其位也得之者有虛  
有恨足之疾事宜量力而進見否而退苟不知此

枉自費力

九四履虎尾愬愬終吉。象曰愬愬終吉志行也。

以陽居陰。體剛而志柔。能愬愬畏懼。則得終吉而志行也。數卦叶吉。以信實處朋友。以柔順化強。

暴道雖行。今心則合古。數卦不叶。或艱辛起家。平易結果。聞事則惧。當權則安。

歲運逢之。最宜畏謹。免灾故惧于行。則吉遇數入局。及歲運吉者在仕。最為吉兆。進取者其虎字為虎符。虎塲士人登虎榜是也。

邵曰。居四近君。疑惧之地。踐履于乾之下。能愬愬。

畏懼而得吉也。得之者有虛弱有口舌宜謹審交游之中不可无心以處人而惹灾咎也。

九五夬履貞厲。象曰夬履貞厲位正當也。

九五有剛大之才。居中正之位。數卦叶吉。勇于進德力于行道。扞逐邪人。舉揚善類。數卦不叶事宜。謹固則无害也。若決于行則危厲矣。數凶則損傷之兆。

邵曰居剛守正。可以決于踐履。得之者主多事勞心。可宜善處從權。若夫固執不能成事。

上九視履考祥。其旋元吉。象曰元吉在上大有慶。

也

所見之明所行之穩功成思退旅極思歸故曰視  
履考祥履至于極是反初之義也旋是反也考成  
也夫履主于行者也然初尚素履二尚幽貞三于  
行而 凶四惧于行而吉五決于行則厲上反其  
初則慶然則履不處也元數兼吉者乃高才大德  
之貴人不叶吉者蓋變為引兌之小人行不正之  
道者也

歲運逢之在顯仕者退居享安靜和平之福仕人  
進取必作魁元常人亦有外言免為日後之累益

考字應兆非存乃亡者也

邵曰發道已成陽剛居上惟六三為應而考察為祥也得之者周旋中禮福祉交具何憂險之有而事功之不成也哉

泰小往大來吉亨 象曰天地交泰后以裁成天地之道輔相天地之宜以左右民

泰卦三陽三陰內君子外小人君子道長小人道消也其象天氣下降地氣上升謂之交泰乃吉象也九得此卦先者元數歸局兼卦相符其吉者則貴之極也大象言裁成天下之道輔相天地之宜

則是太師太保師相也以左右民言又兼武備出  
將入相隨輕重參詳不可執拘字象坤宮三出卦  
屬正月納甲是甲子甲寅甲辰癸丑癸亥癸酉借  
用壬子壬寅壬辰乙丑乙亥乙酉凡在正月及納  
甲本命者功名富貴人也

邵曰陰小者往而居外陽大者來而居內外小人  
內君子此其致泰而獲吉得之者逢難有救功名  
有成權主生殺貴踰王侯所謹在意外之變所失  
為僧道之人

初九拔茅茹其志征吉

象曰拔茅征吉志在外



也

一陽首進則三陽數進先賢有白茅拔衆根隨一  
賢舉衆俊歸此君子得時行道然君子之志在尺  
下不在身故曰志在外也凡得是數兼卦叶吉必  
為人有剛明之才且行正道親近君子遠避小人  
志在外而公不在內而私是以立功名享富貴  
數卦不叶亦是吉人得時行道朋輩協從  
歲運逢之朋友親眷相合若進取者利曹試和國  
學在外此次雖吉亦待君子盛而後可行也  
邵曰茅紫草喻賢才也拔茅連根是取其類征維

而獲吉也。得之者平生有所依附朋友牽連成名。或過房出贅在外生理。否則必有傷害。

九二包荒。用馮河。不遐遺。朋亡。得尚于中行。象曰：包荒得尚于中行。以光大也。

九二剛明之才而得中位上應六五陰柔居尊位。正當保國事君安民之任。故有包荒用馮河之象。得是數兼卦吉者。量大能容。凡有一技一能者。皆宜信任之。兼收並畜。又不以疎遠而遺棄之。不以親朋而私暱之。公正如此。開太平之治者也。歲運逢之。或出邊疆。或守江南。或是太中中奉詔。

事中中書者在進取者成名在營者利就若常俗  
必遇貴人如元數不入局無卦不得位者必防長  
上有損或言語有傷蓋以九二變為明夷也

邵曰以陽居陰為泰之主有剛果濟險之才得之  
者寬洪畜衆難中有救相處交遊番恩作怨女人  
得此而夫喪男子得此而妻亡遠患雖无畧有暴  
擾

九三无平不陂无往不復艱貞无咎勿恤其孚于食  
有福象曰无往不復天地際也

陽剛之才居盛泰之極位亦危矣數卦叶吉常

且艱守防備則吉不然則有損失之禍也 數不  
歸元卦不叶吉或成或敗或聚或散常在艱難中  
得獲吉福見寬舒處則便生禍

歲運逢之必見小人侵弄每見事沮大槩惟謹守  
則安數吉艱難中進步有功

邵曰三乃將否之時當防其險得之者福禍相仍  
小人侵損養拙防危謀遠慮沮

六四翩翩不富以其鄰不戒以孚 象曰翩翩不富  
皆失實也不戒以孚中心願也

六四泰已過理必變矣 數卦叶吉多惧多疑心

志不一或得或失名利難全或奔馳作旅或勤苦成家數卦不叶或倚托鄰貴或附靠親眷富貴歲運逢之進取者難成經營者失利閑居者有謗惟且依上則免禍咎

邵曰陰小之爻將歸于內而為否又處三陽之上而失實也得之者資人成事有名失實乃幼女小男之象縱有所得傷損隨之此富居山林有遠親之義也

六五帝乙歸妹以祉元吉  
象曰以祉元吉中以行愿也

坤體之中位尊而才柔能下任九二之賢所以爲  
帝乙歸妹蓋言王姬下嫁也五爲帝坤陰爲妹妹  
者女之次乙者甲之次其義皆取于坤也得是卦  
數叶吉者不以富貴而驕人惟以謙恭而克已或  
是賢室助力或是貴子克家爲富爲貴不甚勞苦  
但權柄在彼而不在已也女人得此爻者勤儉成  
家不叶亦是中正吉人不施威怒自能服人  
歲運逢之主遷除或有閨房喜慶之事

邵曰以陰從陽王姬下嫁于諸侯所以成泰而元  
吉也得之者危中有救敗中有成主將相王侯生

殺之。權有賢妻貴子國戚之顯。

上六城復于隍。勿用師。自邑告命。貞吝。象曰：城復于隍，其命允也。

上六陰柔位極不能保太者也。自大化小如城土傾圯而為隍。于是治化而允存化而亡國化而家辟化而庶有不忍言者也。如獲元數入局無卦叶吉者庶為小小規模惟是自誇已德而人不服終有阻剋。數卦不叶亡國敗家自大化小不得其後。

歲運逢之宜謹慎免禍。數凶不宜其壽矣。

邵曰泰極否來之象雖正宜吝得之者傷妻損子敗祖離家光風霽月之未聞陰雨晦冥之相繼不  
宜直心處事以致意外多端

否不利君子貞大往小來。象曰天地不交。否。君子  
以儉德避難不可榮以祿。

天上地下二氣不相交其卦為否塞君子觀此象  
知陽道方衰故宜儉損為德而避免禍難不可貪  
榮以居祿位得此卦先看元數有用无用及看蓋  
卦之爻吉凶如何九在上三爻為君子之道吉下  
二爻為小人之道凶乾宮三世卦屬七月納甲是



乙未乙巳乙卯壬午壬申壬戌借用癸未癸巳癸卯甲午甲申甲戌如生于七月及納甲本命者功名富貴人也

邵曰小人道長所親匪人不利君子不可崇以祿得之者只可安分守常不宜越理過處爲小人女子所撓害惟破家失所皆因親任匪人自貽伊戚初六拔茅茹以其彙貞吉亨象曰拔茅貞吉志在君也

處下位而才弱君否塞之時君子當與善類如拔茅而連其根茹以其彙同守乎正道則吉而亨蓋

志在事君也此爻動則爲无妄初九往吉得志也  
如元數無卦叶吉必爲名譽之人改祖外立遠近  
從遠志在憂君心不私已 數卦不叶度時而進

知幾而退惟是逢艱難之時難行中正之道

歲運逢之受賤祿者待闕居閑在仕者斟酌時宜  
常人守舊且止

邵曰泰與否皆以揆茅爲象者以其群陰群陽在  
下有牽連之意也得之者謹慎退守則吉毋爲小  
人眩惑取禍

六二包承○小人吉○大人否亨○

象曰大人否亨○不亂

群也。

中正之位謂如君子處否而亨通也身雖處小人之中其志不與爲黨元數入局兼卦吉者中正之貴人也多逢沮剋宜寬而有容靜以待動凡事擾擾而來心宜坦坦而處元數兼卦不吉則爲俗流或處君子小人之兩間有名非正有祿非真惟宜愛護保守庶免禍患

歲運逢之是非好惡不分明當退步隱身可免損失之事

邵曰以陰柔中正包藏邪惡不順諂媚之小人致

吉得之者惟其心性好順喜媚所以隨喜罔套災  
蹇不死疾病難免更防陰人小口之患惟宜謹守  
為佳

六三包羞。象曰：包羞，位不當也。

陰柔不中不正所為包畜邪謀可羞者也元數無  
卦吉者常得大人君子庇護收用或見卑職常停  
常阻但有虛名為僧為道 數卦不叶非能守道  
安命窮則斯溫小人情也

歲運逢之不宜進身

邵曰陰柔不正之人含羞媚悅于上魏然高位非

小人所宜得之者處小人擾害患難之際含羞耻  
自保吾道之常犯而不較庶免憤怨之失

九四有命无咎疇離祉 象曰有命无咎志行也

九四有陽剛之才雖正不中為性居功取忌凡所  
有為當從于君上之命而免禍則疇類皆得附離

其福祉也 元數有歸蕪卦叶吉乃功名之命也

盖吉兆則有爵命也田疇也福祉也此爻動變為

觀卦利用賓于王乃是得志行道 數卦不叶

是有福有壽之人多動少靜多有田業者

歲運逢之在家則田業增添在仕得朋僚引援

邵曰以剛健之体有濟世之才位居近君有事必  
順君命得之者膺寵命之榮釋无辜之咎盖以行  
其志也縱有是非不足為害

九五休否大人吉其亡其亡繫于苞桑象曰大人  
之吉位正當也

九五剛位中正出禍逢福之時元效有歸無卦  
叶為重德君子防患有道處事最公又能惕惧詳  
審謹守无失數卦不叶有德不能施設亦為中  
正告人

歲運逢之或舊禍已出新福方來昔之忌我者今

退矣或長上得名利或卑下進田園此又變否為  
晉憂變為喜失者得矣在仕者居位在任之榮矣  
數凶者有將亡之危關係不小也

邵曰陽剛中正能休天下之否有濟時之吉懷械  
繫之心得之者當防意外之變豫為保身之圖

上九傾否先否後喜 象曰否終則傾傾可長也

否將極泰將來 數卦叶吉有剛大之志能施設

過人之事或先歷艱難後見安吉 數卦不叶理

極而必反先孤後不孤刑傷骨肉或為僧道或為

名利難就

歲運逢之禍患自此消福祿自此盛此爻動而變萃卦齋咨涕洟如數不叶无而為有空缺除盡者恐壽筭難永兼卦爻吉及數與大歲支干入局變凶為吉先失職者今復職未有名者今見成名常俗宜成立規模也

邵曰否極則傾故有先否後泰之喜得之者有喪服外變之憂更宜經歷艱難以致後福

同人于野亨利涉大川利君子貞象曰天與火同

人君子以類族辨物

乾天與離火同皆向上其卦為同人君子以類其



與族而辨乎物之同異。五陽一陰以陰爲小。所同者却大。大者公也。同人之義在乎公而无私。故曰同人于野。野者廣大之意。離宮三世卦屬正月納甲。是巳卯巳丑巳亥壬午壬申壬戌。借用甲午甲申甲戌。如生于正月及納甲本命者。功名富貴人也。

邵曰：一陰居下卦之中。和同則吉。得位守正。利涉大川。君子由君子之道。以同人。故能以類族辨物。得之者稟性高明。識事宏遠。知輕重。辨賢愚。多得。和同之方。顛濡之陰人。亦能協助。春日多利。夏利。

冬夜不利

初九同人于門无咎

象曰出門同人又誰咎也

陽爻得正與六二相近謂之出門便得同人也正  
數有用卦爻叶吉者貴人也量大有容心公无私  
其出門字爲兆甚多當無卦爻斟酌高下輕重而  
詳推且以進取言之方試則有名會試則有成大  
學則得出類以官職言之小則是作門館次則登  
門黃門金門轅門帳門閣門大則門下有平章事  
者元數不叶或離祖力或就妻家或爲商旅或  
作僧道

歲運逢之或出遠外或修造門戶或身傍他門之類也

邵曰出門之始而和同于人何咎之有得之者重義輕財得贊助之衆而咎怨者少多得同志之歡心每得求謀之氣力

六二同人于宗○吝○象曰同人于宗吝道也○

陰獨與五應則為私而不公故曰宗吝○元數有用者才能聰明見識高遠或公或私或從或變順之則惟諫之則怒○兼卦不叶者終不遠大常懷憂戚或過房同宗或婚娶妻室或作叢林主人或科

目魁元

歲運逢之皆如此消詳或事多不足或有人相累也數凶則為祖宗之兆惟喜中或宗親朋友不睦之事

邵曰六二上應乎五同人于宗卑吝之道得之者有姐親骨肉之咎是非口舌之憂故事纏身舊疾生發凡事宜思患預防

九二伏戎于莽○升其高陵○三歲不興○象曰伏戎于莽○敵剛也○三歲不興○安行也○

陽剛不中○上无正應○歎同六二而非其正○又惧九

五之見攻故不能行也。數卦叶吉好勝愛強。欲前欲後志在不一多慮多驚心无定守或為吏戰或作軍戎或處田野或隱山林或生疾疫或墜丘陵已上皆以元數兼卦推其優劣言之无不相符也。數卦不叶吉小人之情狀也。

歲運逢之科目難就在仕者防失職丁艱在俗者則孝服或防侵訟之事。

邵曰以剛居剛不中不正藏戎兵于草莽之中三歲之久勢不能敵而欲為陰害之意得之者有心未遂欲為之志防失防爭防盜可也。

九四乘其墉。弗克攻。吉。

象曰：乘其墉，義勿克也。

吉則困而反則也。

陽剛處陰，有自反不克攻之象。如是則能改過，故吉也。元數兼卦，叶吉者，德重能守，心正不妄求，名有成，臨事多懼，見機則退，知足不貪。數卦不叶，或進取不費力，或卓立而勞心，或得上者任用，亦得下者奉承。

歲運逢之，在仕或專城守土，或修築城池，在俗者疑忌有爭競，有榮處見辱，辱後復榮。

邵曰：過剛而不中正，與三止隔一墉牆也。登墉窺

望而歆同之。知己之柔而勿克攻者也。得之者為人挑陷。恨不能置之下。不可拔之地。不待攻而得。免于禍。反獲乎吉。須預防爭防盜。更防落圈套。以相侵害也。

九五同人先號咷而後笑。大師克相遇。象曰：同人先號咷而後笑。大師克相遇。言相克也。

中正之君子。有才有德。有名有利。先歷艱辛。後見榮顯。元數歸局。蕪卦叶吉。或貴為將帥。仍看歲運好惡。如何以中直兩字為吉兆。多矣。大中中奉給事中。中書省。又奉直直院。直閤皆是也。如元

數不計吉先立艱辛見刑剋晚雖有遇福淺禍深  
進謀生咎

歲運逢之悲喜多見他處我實此是彼非多起爭  
訟先難後易在任入言路復職未有名者今見成  
名常俗者亦宜立規模也

邵曰九五欲同六二爲三四所隔故先蹠以陽剛  
中正故後獲笑能必用兵而克勝故得相遇得之  
者主喪服憂患爭奪不寧六親不足

上九同人于郊无悔○象曰同人于郊志未得也○  
居外无應物莫與同○然亦可以无悔○數卦叶吉



心志寬大才德清高身居富貴志在消散 數劫  
不叶或為僧道或隱郊野或為商旅或不得志  
歲運逢之已入仕者必出邊郡未入仕者尚阻功  
名常人守舊有禍改變則吉數凶空亡兼卦爻凶  
郊野之兆老者不求亦不宜小

邵曰不親而有親愛之情所求而有不相得之意  
得之者宜動出入為以免災不然有破有傷私鬱  
不平之氣未免

大有元亨。象曰：火在天上，大有。君子以遏惡揚善，  
順天休命。

火在天上照見萬物之衆多其卦為大有君子觀此象於衆多之中以之遏惡而揚善以順天之休命又謂明照之象无所不燭夫何為哉亦曰惡者遏之善者揚之天之休命莫過此兩端惡遏則人不受其殃善揚則天下咸被其澤乾宮三世卦屬正月納甲是甲子甲寅甲辰巳酉巳未巳巳借用壬子壬辰壬寅如生于正月及納甲本命者功名富貴人也

邵曰群陽皆為一陰所有火在天上无物不照善惡莫得而隱君子惟天是順遏惡揚善天其申命

用休矣。得之者權貴厚祿稟性靈明才識剛健有過則隱有善則揚災禍不侵憂危有救春生和氣秋生得時日生得地

初九无交害。匪咎。艱則无咎。象曰大有初九无交害也。

有大才剛正之君子上无汲引故无交害也非干已之咎為其不遇也其進愈難退則无咎矣如元數有歸蕪卦叶吉者才之清德之重若懷進取之志難汲引之賢其進愈難其身退无咎大抵求名則不足求利則有餘若數不歸元蕪卦不吉或

常遭毀辱或每遇艱辛惟宜保守則无咎也

歲運逢之事宜不進身只利勇退或心緒憂煩或  
小人侵凌或長上灾咎寒士之象也

邵曰六五為大有之主初爻卑而不與相應則有  
无交之害而无冒進之咎又能克艱自守而不求  
富祿所以終无殃也得之者失事撓于求主不若  
自守以免禍

九二大車以載有攸往无咎 象曰大車以載積中  
不敗也

中正之德剛健之才為大臣任大事當大任安危

治亂能往而无咎。猶有大車之才。可以積厚物于中。而不至于敗也。如元數有歸。無卦吉者如是也。若元數失局。卦不吉者。有福有壽。无憂无禍。歲運逢之。閑官者。有車選召。有大除拜財祿。亦豈若出師則是決勝而不敗。常人營謀。必是厚載而歸。大臣之象也。

邵曰。九二陽剛而居臣位。上應六五之尊。猶大車載物多而不傾。可以任重致遠也。得之者有負重之才。有委任之勞。或有自己之憂。意是非以致患也。

九三公同享于天子。小人弗克。象曰：公用享于天子，小人言也。

公者公侯之稱也。道德純備，大公无私，能用其所  
有以享獻天子。元數有歸，兼卦叶吉如是也。數不  
歸元，兼卦失位，必為貪謀，小人必有大害。

歲運逢之，在仕者必勝朝廷重任，或招小人侵凌。  
若常俗必災，或見悔滯數凶，則變睽刑傷文士，得  
之必作大魁。

邵曰：陽剛居諸侯之上，能効臣節，能守剛正，得之  
者位高祿重，能任賦財之職，博施濟衆而有委任。

之勞但生怨招尤妬忌是非未免

九四匪其彭无咎

象曰匪其彭无咎明辨哲也

大有之爻初九乃寒士也九二大臣也三諸侯也

九四居近君之位高矣

元數有歸兼卦叶吉必

能大公无私不驕盈不矜誇既明且哲以保其身

此克終克始之大賢也

如元數无歸兼卦不吉

者則是易驕易盈而不知戒以成僭溢之禍

歲運逢之只宜恭謙虛已則免凌辱喪節之患也

常俗亦宜保守或生腹疾

邵曰出車彭彭固六五之事也四具離體故能明

哲保身得之者宜靜守為佳恐因事反生不足  
六五厥孚交如威如吉 象曰厥孚交如信以發志  
也威如之吉易而无備也

然君道貴剛太柔則廢當以威濟之則吉 元數  
有歸兼卦叶吉為貴人有光明盛大之德上下相  
孚遠近相應有功于人无私于己以誠信發彼之  
交孚以和恭得彼之周備足以立大功名享大富  
貴者也 如元數不叶惟宜固守不宜雜交下人  
當以威嚴自謹又不可慢易而无以脩上之求或  
受富貴而不見成或施恩惠而反得謗



歲運逢之最宜知幾而退度勢而進不可輕慢若是驕奢則招禍矣

邵曰六五為大有之主。虛中而為衆陽所宗。若心孚信。以柔明而處剛強。有不怒而威之吉。得之者財虛事艱。防无心中生不足。

上九自天祐之。吉无不利。象曰大有上吉。自天祐也。

上九剛大之才。居尊高之位。而不居其有。故自天祐之所往皆吉。而无不利也。更得元數。兼卦有用者。富貴人也。平生无非。橫之撓如。兼卦失局。亦為

福善之人達道之士也

歲運逢之士人成名有官者必遷職居朝常俗得尊貴之庇農家進業

邵曰陽剛而居无位之地以剛明而超出勢利之外无所累于富盛得天之祐吉无不利得之者人欲為而天必從天歆祐而人必福信順之至德望之隆天人相與福社交集事得幾會奇祥異福臨難有救

謙亨○君子有終○寡○称物平施○

象曰地中有山○謙○君子以裒多益

山之高大而在地中此謙象也。君子以之用謙。裒  
取其多者。增益其寡者。稱物之宜而平其施。大  
凡物過而後有謙之名。適平而止乃中道也。辭曰  
謙亨。君子有終。然非君子有終不能其保終也。謙  
則歛然自持。无盈滿之累。終日如此。終年如此。終  
身如此。不謙則悔吝至矣。何終之可保乎。苟謙矣  
焉。往而不亨乎。故以之處尊。則其道愈光。以之處  
卑。則其道莫能過此。君子之所以有終也。六爻之  
辭无凶者。今人之家。庭多寫此。一卦為幃。蓋一篇  
无凶字故也。兌宮五世卦。屬九月納甲。是丙辰丙

午丙申癸丑癸亥酉借用乙亥乙丑乙酉如生  
于九月及納甲本命者功名富貴人也

邵曰謙卑巽之義謙則无感不通惟君子始終能  
謙能獲吉得之者待人接物謙恭巽順處事治家  
和樂均平不以富貴而驕人真樂道好善之君子  
也

初六謙謙君子用涉大川吉 象曰謙謙君子卑以  
自牧也

初六以柔居卦之下此謙而又謙者也 元數有  
用兼卦吉者必推此謙謹之心雖用涉難之處亦

河洛精義卷之十一  
無害而得吉矣。能謙能謹，不驕不傲，在上者使任在下者，敬依或修心養性，或樂道投閑，以官職言之，其牧字亦是守土之兆。

歲運逢之者，如此消詳，宜謙卑自處，以待上之求仕路，順利親民之吉兆。若元數无歸，兼卦不叶，吉多是心中懶謀，身多求退，乃拙于施為，進取名卑數不吉者，變入明夷之傷也。

邵曰：以陰柔而居至卑之地，謙而又謙者也。用力于謙涉險而吉得之者，憂災可散，謀用可成，凡事宜進步不宜退阻，以自拙也。

六二鳴謙貞吉。象曰：鳴謙貞吉，中心得也。

六二中正之心。謙積于中而發于外。為聲音顏色以鳴謙也。故貞吉。非強為之。是中心得也。元數

兼卦叶吉者。无私无諂。有德有才。鳴字者。多入言路。中字。吉兆。大中。中奉給事中。中書省皆是也。

歲運逢之。進取成名。在仕遷職。庶人未宜輕舉。惟宜退守。如元數不叶。亦得人舉揚濟事也。

邵曰：以陰柔而居中正之位。所以獲吉也。得之者。謙謹自持。施恩成怨。心直口快。多招是非。亦是以甜口取和氣。得利名也。

九三勞謙君子有終吉

象曰勞謙君子萬民服也

一陽居下卦之上。群陰之宗。大臣之任。有功劳而  
能謙者也。又須君子行之有終。則吉。萬民之所尊  
服也。數卦叶吉。文章高。世道德過人。能勝天下  
之重任。立大勛。勞者也。元數不歸。叶爲人誠寬  
必得鄉邑推重。施恩不求報。有德不自誇。  
歲運逢之。進取者成名。營謀者獲利。

邵曰。一陽爲衆陰之主。位高德盛。勞不伐功。民安  
得而不服。以一已而任內外之責。以一心而應上  
下之求。碌碌乎酬接之。不暇擾擾乎事緒之多端。

雖處不寧散憂爲喜

六四无不利撝謙。彖曰无不利撝謙不遠則也。

上承謙德之君。非謙則傲。傲者遠承上之則也。下承助勞之臣。非謙則忌。忌者遠待下之則也。不遠則適其宜也。惟謙則施之上下无不利矣。如元數兼卦叶吉有德有才上信下服常存謙心无窮古法足以立功名富貴。如元數兼卦不歸叶親近尊貴交接下賢爲鄉里之正人也。歲運逢之无所不通但宜謹固此爻一動爲小。不宜止則宜下下者亦謙也。



邵曰以陰柔居上下接九三之功臣不敢自安進退適宜得之者施爲中度禍患消滅憂疑可散接人待物故有得乎名利也

六五不富以其鄰利用侵伐无不利 象曰利用侵伐征不服也

不以勢位之尊能體謙順之德德之盛也推不圓之心接納天下之善則群賢衆善翕然歸之矣聖人戒之曰利用侵伐不可挾之以勢靡所不爲但征其不服者是不得已而用之也 數與卦叶吉者德重位尊之大貴人也 元數兼卦不叶者或

文中成名或武中立功

歲運逢之文武兼用或掌刑獄兵伐之任常人亦得遭遇知己倚靠好人成事

邵曰以柔居尊在上而能謙者也得之者處富貴而不驕傲居柔謙而不誇伐安分樂道綽綽有餘或因富而招引戰爭而有意意外破財不測之憂有是非未決之事

上六鳴謙利用行師征邑國  
象曰鳴謙志未得也  
可用行師征邑國也

其位愈高其應在下而遠所應者九三剛明之君

子也必有不足而求應且所求者學問充已復種者也今位處高而所應者遠不如六二中正近之故志未得也然亦足以治其私邑而已 元數藥卦叶吉是勤于學古勇于行道之人也但多遇知已少得助力 數卦不叶或作武貴稍遂其志便知幾而退則免損已之累也

歲運逢之進取不成常人或有公訟宜不辨自明矣在仕利動有得

邵曰師非謙之事然居謙之極无非謙德亦因太謙反欺而爭也得之者不可安坐宜出而動作仍

須仔細或抱不平之氣舒鬱之懷

豫利達侯行師

象曰雷出地奮豫先王以作樂崇

德殷薦之上帝以配祖考

一陽在近君大臣之位此諸侯也其德順以動利  
達侯行師者也豫之字象甚多重門擊柝以防暴  
客者豫備也樂豫怠豫逸豫亦是也雷出坤地之  
上其聲奮發其卦為豫先王以之作有聲之樂以  
褒崇功德其殷盛而薦之上帝又配之祖考後世  
樂不本德淫哇靡靡徒悅耳亂情甚矣人欲橫奪  
教衰俗壞不忍言者震宮一世卦屬五月納甲是

乙未乙巳乙卯庚午庚申庚戌借用癸巳癸未癸卯如生于五月及納甲本命者功名富貴人也又雷出地奮生于二三四五六七八月為及時福力至重生于餘月皆失時福力淺也

邵曰坤順震動曰豫一陽爻赫而升故順以動豫而悅得之者多事而疑安享厚福賦性梗直待人喜怒不常理不當情不合而與之處則見忤執心不足作事反覆驚蟄之時身發名成夏秋小利冬无氣恐不利

初六鳴豫凶

象曰初六鳴豫志窮凶也

陰柔居下位不中不正方豫之始而得上之九四  
所寵志願極滿至于鳴豫發于聲音若无所容  
數卦不叶乃是淺識狹量如此態度不能自禁  
如元數有歸無卦叶吉而生月及時只宜退身養  
德小小營謀

歲運逢之防驚憂口舌之事及險危之難

邵曰陰柔居下不能自鳴而獨應于九四所以凶  
也得之者處富貴安閑之境招是非口舌之憂平  
地風波无心擾害爭訟破財惟退守免禍

六二介于石不終日貞吉

象曰不終日貞吉以中

正也。

豫之成卦。主九四一爻。諸爻皆爭趨。以苟圖富貴。利達。惟六二介然如石。堅確有守。見豫樂如鳩毒。不俟終日。隱去之。貞而得吉。蓋守中正故也。大傳發明不誦不瀆之義。而以知幾贊之。如元數有用。兼卦叶吉者。勤修德業。力行中正。其舉動高乎千古。此所謂富貴不淫。威武不屈。貧賤不移者矣。數卦不叶。介然有守。不誦不瀆。知幾之吉人也。歲運逢之急流勇退。如進取者。可以成名。常俗必獲利益。

邵曰居中得正上无應援惟介然自守而已然得  
互体之艮其象為石惟靜能見幾而作介然不移  
所謂不以三公易其介者也得之者防盜防災凡  
事當思患預防謹守為吉否則必有災咎也

六三盱豫悔。逢有悔。象曰盱豫有悔位不當也。

位不中不正見九四得勢得志而顧戀也。且四非  
正應而盱則有悔然而與四相近欲退不能故亦  
有悔。數卦不叶有進退无定志不安。數卦叶

吉者親近高賢不能濟助縱有卑職多見沮挫  
歲運逢之所圖无實在仕者乍進乍退此是彼非



進取者有不宜也。數卦叶吉无妄思進守靜僅免是非。

邵曰：仰目而視曰眄，位之不中不正。仰視九四由豫以求媚悅，故有諂求之辱。不知疾退以自貽禍，得之者見高人為仰視之謀，視富貴為媚悅之計，不獨能怡乎人而亦為人所役。効勞任事不可辭，却能見幾而作方能保身。

九四由豫大有得，勿疑朋盍簪。象曰：由豫大有得，志大行也。

至剛至大之才，衆陰皆宗之，是天下皆由之而豫。

者也。且居近臣之極位。常情至此。未免有疑。惟九  
四順動之德。果決不疑。而得上下之朋相助。宜得  
大行其志。元數有用。兼卦叶吉。清才厚德。權重  
功高。作大有為之事業。古人如伊尹任伐夏桀之  
事。周公決東征之大義。足以當之。如元數不歸  
兼卦。不叶。亦是福厚之人。得衆所欽服。惟朋之一  
字相合。則有孤尅。或主二妻。可偕老。若陰人則不  
宜。如兼卦吉。可免卑下。而得福壽。但不當正位矣。  
歲運逢之。進取成名。經營獲利。在仕者必得知已  
薦剋也。

邵曰九四剛而有德者近君位而獨為和樂之君子至誠不疑則朋類合而從之矣故有又因而戒之簪聚也得之者起家發財發福事皆得志宜速進謀不宜退懶以失幾會亦得良朋簪助之功

六五貞疾恒不死  
象曰六五貞疾乘剛也恒不死中未亡也

陰柔乘剛雖中而不正主弱臣強失其正也是正之疾也猶幸居中有中道可守雖有疾而恒不死者謂中道未亡也元數有用兼卦吉者或作貴人心常憂惧志多怯弱權出他人事不由己在仙

雖顛有疾延壽 數卦不叶柔弱不能自立外見

疾患臨身

歲運逢之進取者頗得志常人必災心事不足或  
心腹成疾

邵曰以柔居尊沉溺于豫又乘九四之剛衆不附  
而處勢危極之地然以其得中有乘剛未亡之辭  
也得之者疾有救訟有解先凶後吉

上六冥豫成有渝无咎 象曰冥豫在上何可長也

陰柔居上昏迷樂豫之極何可長久也然極則有  
變之理知過而改反其所為前日之冥一朝披

昏昏者照照矣自然无咎也 元數有歸無卦叶  
吉者亦為名利宜納善從諫免見失節 如元數  
失用無卦不叶樂極悲生終不能久

歲運逢之棄舊從新遷善改過不宜靜也動則可  
濟數凶無卦凶者為幽冥之兆

邵曰沉溺于豫極苟能補過而廣遷善之門則无  
咎矣得之者祿于宴安歡樂之中悔于知止營求  
之後一坐將不細矣破財災至多事難處宜變改  
則吉

隨元亨利貞无咎 象曰澤中有雷隨君子以嚮晦

入宴息

澤中有雷非澤中真有此雷兌正秋也至秋間之時雷當收聲君子觀此象以之嚮晦夜之時入居于內以宴息故彖曰天下隨時隨時之義大矣哉隨者順也古人取象旅牛乘馬引重致遠以利天下亦順也大凡卦有雷澤之體皆宜生于二月至八月及時也九月至正月失時也及時之福涿失時之福淺震宮三世卦屬七月納甲是庚子庚寅庚辰丁亥丁酉丁未如生于七月及納甲本命者功名富貴人也

邵曰上兌下震下動上悅故人皆隨之不隨于已而隨于人以其度量寬洪而不窄狹事之多端亦无偏黨之失宜為閑退安息之計先難後得多納重妾宜亨富貴春夏則喜秋冬勞碌晚成之人也初九官有渝貞吉出門交有功 象曰官有渝從正吉也出門交有功不失也

陽剛之才為下体之主主事者為官夫震者動也天下之事不動于常而動于變渝者變也初九當事變之始其古人之發大難當大變決大疑者乎是變也非有以伏天下之至正開天下之大公未

見其濟也故貞則吉公則吉不失貞者正也出門  
者公也 元數有用兼卦叶吉者有才有德之貴  
人也至大至公厚德高才立大功業其闕字應此  
甚大其從正者正奏正言正印正拜是也 數卦  
不叶或靜或變或出外有成或依附權貴門下正  
而不欺之人也

歲運逢之最宜進取改官蓋不失者乃得之兆也  
常人獲利吉

邵曰守官貴乎不變此爻居震震動故以貞固而  
得其正則吉又當出門以變不私其隨則有功也



得之者事有機會朝令夕改易為轉移亦因无心中成就事業也

六二係小子失丈夫。象曰係小子弗兼與也。

初陽在下而近五陽正應而遠二陰柔不能自守以須正應乃下係初六凶吝可知。元數有歸。巽卦叶吉必是有才之人立性不恒愛小失大是非小口拘絆之災。數卦不叶好習下流不親高上。心志不一若女人得此元數吉者必有福祿未免心私或損夫官或得子之力若元數巽卦不叶必為卑下之婦婢妾之流。

歲運逢之不安寧也。或小人是非。或小口牽係。拘絆之災。

邵曰：係戀初九之小子。失九五之丈夫。一得一失。事難兼與。得之者。功名利祿難得兩全。只宜隨時。退守弄巧成拙。財破難成。如女人主丈夫有喪。六三係丈夫。失小子。隨有求得。利居貞。象曰：係丈夫。志舍下也。

丈夫謂九四。小子謂初六。三不中不正。進係四而失其初。本非正應。故為邪媚之嫌。當戒以利居貞也。元數有用。兼卦叶吉者。遭遇知己。引進成功。

可各致

上經上

卷一

六

更小心攀上或奴婢不得助力或小人生毀謗心  
勿輕躁動事宜遲緩如元數兼卦不叶雖有名利  
而无子力如是婦人必適貴夫或傷子息

歲運逢之有求者得称遂或守舊或修造或起學  
皆是也惟陰小不利

邵曰六三戀九四之丈夫不随初六之小子上无  
正應下无相從得之者必仗貴力求謀用事防小  
亡喪失之厄

九四隨有獲貞凶有孚在道以明何咎  
象曰隨有獲其義凶也有孚在道明功也

處大臣之極位。通于君位之近。而得人心之隨。雖正亦凶。况不正乎。如元數無卦叶吉者。中有愛

君之誠。外盡為臣之道。合明哲之節。可以保其功名。而免危疑之凶也。數卦不叶。有獲必凶。得上

之重責。惹下之猜忌。或為商賈。而在道途。見凶

歲運逢之所為。无不得遂。在仕必為一路將帥之

權進取者。未必見成就。如常俗遇之凶。事變為吉

事其道。字明字或是地名。或人之姓名。

邵曰。陽剛近君而得六三之隨。貞固亦凶。然能以

誠明道何咎之有。得之者。功名利祿。隨口應心。非

特人能隨我我亦能隨人親近上貴多為訕楚先  
爭而後明白也

九五孚于嘉吉。象曰：孚于嘉吉，位正中也。

其位尊高其德中正。數卦叶吉一念之誠樂從  
天下之善者也孚誠也嘉善也其中正之兆甚多  
或自中奉至中書省自正奏至正印皆是也。數  
卦不叶亦有孚信而行中道為吉善之人也有隨  
順之意

歲運逢之在仕者遷除顯達進取者成名常俗得  
利或進喜慶之事

邵曰居中正之位處悅隨之時信乎其有嘉美而獲吉也得之者主信義而抱亨嘉有危險傷剋之遇獲扶持顛沛之人是以反凶為吉也

上六拘係之乃從維之王用亨于西山象曰拘係之上窮也

陰柔无德位居一卦之上其人心皆不願隨則拘

係下民而從之非正道也古之大賢知此道者隱

于西山晦其迹也九數兼卦叶吉者心行正道

志慕幽居常守仁義不拘富貴僧俗或道使衆心

皈依如元數不歸兼卦不吉者无志可進其道

困窮生計艱難宜隱山林

歲運逢之多不求壽是非牽係其西山方可言地名也

邵曰桑悅之極而不散如有所拘而固結之先王用此享于岐山得之者宜謹慎于接物不可放肆于求謀又恐陰人惹禍雖未能脫終不為害

陳邵二先生河洛真數易卦釋義上經上卷終

二方季  
九百二